

sagten? namq; *Stultus labiis ceditur & verberabitur*, Proverb. X, v. 8. & 10. h. e. juxta R. Aben Esram, *corruet, pœnas dabit*. Horrendum est, inquit ad h. l. *Cartwrightus*, veritatem agnitam negare, sed & periculi plenum est, si quis privatus, odio idololatriæ, in medio foro sibi in idola declamitandi licentiam sumat. Confer jam *Bakium* super Evangel. Domin. X. post Trinit. & *Dieterich.* super idem part. II. observat. I. ubi *uterg.* habent hunc versum:

Stulta sapit vulgus, vult quilibet esse Lutherus.

Jam dudum animus est in patinis (v. 46.). Videtis heic *Adagia Erasmi* XXXVII
Tit. Sollicitudo. Sollicitudinem verò istam sollicitiùs exprimit Syrus servus & vitulo inhians & vino (*Adelpb. IV, 2, 49.*)

Æschinus odiosè cessat, prandium corrumpitur,

Ctesipho autem in amore est torus. Ego jam prospiciam mihi.

Nam jam adibo atq; unumquodque, quod quidem erit bellissimum,

carpam, & cyathos forbillans paullatim hunc producam diem.

Ego me in pedes (*Act. V, 2, 5.*) vel dedi, ut apud *Plautum* in *Ca-* XXXIIX
pteiveis I, 2, 12: *menè vis dem ipse in pedes*; vel *conjeci*, ut *Noster*, Me conjicerem protinus in pedes (*Pbormion. I, 4, 13.*) & Continuo hic se conjecit intrò (*Heavtont. II, 3, 36.*) Ita *Lucretius* (VI, 577.)

Ventus ubi atque animæ subitò vis maxima quædam aut extrinsecus, aut ipsà ab tellure coorta

in loca se cava terrai conjecit — —

— — sæpe ex hujusmodi re quâpiam & malo ex principio magna familiaritas

conflata est. — — Ita *Æacus* apud *Ovid. VII. Metam. v, 520.*

Flebile principium melior fortuna secuta est.

Et *Livius* lib. I, c. 9. Sæpe ex injuriâ postmodum gratia orta. Egregia sunt in hanc rem verba seqq. *M. Antonij Guevara* (lib. II. *Horolog. Princip. c. 2.*) *Nisi cives Romani raptis ex agro Sabino virginibus plurimis, mutato consilio mariti quàm raptores esse maluissent, aut Sabinis interitum aut internecionem nomini Romano facinus illud attulisset. Juraverunt*